

www.BibleForChildren.org

Madiu 26



Tu aiyeta sikisi
aimo gidadauda
be tafalolo ana
egana lobama ana
tovenuwa'ata yana
Abamadviviya ginalakayemu.
Ada au Yesu gi'ela melala
ana egana Bedani
againa, medema Lasalo
yana melala, bana boi Yesu alikeya
gisivemididina amanadi kalivai-nadi.



Hi'au'a tu bana
Meli bunama
aba'aihiwaga botolu
lakahina amine
gi'aliyena, ana egana nado,
ai kabuna, medema keke tamo
gavadi buye
hidave'atutamo'aini, ada
fatana keke kabi'ona. Au
Meli Yesu agena gibunamina tu
u'una tunugina againe agena
giluvehavehayana, ada bunama magana
yamumuna manuwa gilelevilana.



Yesu gigahe-yo Yudasi-Isikaliyota yo'o tuwelo kalivana gina abaveyao ana tofaisewa kikaiwabudiyao agaidiya be higa badi nimadiya ginahawavemogatalena. Badi yana nuwanuwa hinogalina againe hivemwamwala, ada higahena vaita mani hinavelena.




Au Yudasi givebutu tova hagihagina gilelena
be Yesu nibaineyao agaidiya
ginahawavemogatalena.




Au tomuliya Yesu givehimeyedi
amine hina be Abamaduviviya
a'ana hikidewedewena. Tu au
ana toveya Yesu a'a givaina digo
Yaubada againe givesiule
gikihinena au ana tomuliya
giveledi gigayo, “Hida wowoku,
wavaini be wa'a.”




Ada gowa givaina digo givesiule
giveledi gigayo, “Moya'aimi
wayuyeni. Hida dayagiku
gimadumadu-ma moya'aidi
fa'idiya be yadi koyona Yaubada
ginayawelina fa'ina, higa
Yaubada yana veyao omi
agaimiya gisena-ma ana
iya'iyaya.”



Kadu gigayo, “Ho Saimoni, Saimoni! Setani give'o'ola be vehimeya givaina higa witi hisibutuna be yogo hinasevehailena amine, omi gaveyao yogo ma ginasibutumi. Tu o fa'iniya gave'o'ola be ya vetumagana Yaubada againe keke ginahavaini. Ada aimo Iya agaikuya ahe unahagavila againe tobohiyamomo ase'asedi unakivevatuna.”



Tu Fita gigahena gigayo, “Kauveya, iya gahawahegeku be O unaluku deliya kadu iya buye kanaluku. Ka'i O una'alika kadu iya buye kana'alika.”
Yesu gigayo, “Fita o ganagahe. Tova adamoya kamukamu keke ginakwage tu nagona unamidivekekeyeku tohiye vaita keke udahalamaneku.”



Tu Yesu ana tomuliya buye
hina abaga sa'eyana ana
egana Gedasemani
againa himiyami tu
gigahedi gigayo,
“Hidedei wanahiyoto tu
yuwa ganana
ganave'o'ola.” Kadu gigayo,
“Kama'ase'aseku, gaitoma
moya'aina a tagalowalowa.
Ka'i hida aulolo ana gowa
udavaihegeni, tu keke yaku
nuwanuwa au O'eni ya
nuwanuwa amine
unahuluva.”



Au abaveyao ana tofaisewa kikaiwabudiyao be tonagona tafatafalolodiyao adi egana Falisi, badi tolugaviya adi yo'o sa'eyana kadu tuilala tufoidi hi'iveninisedi be walamufadiyao wadakidiyao wagiodyao Yudas gi'aliyedi ime Yesu buye amiyami-ma abagai-nadi againe. Ada tomuliya sa'eyana abaveyao ana tofaisewa adi tokaiwabu ana agetoga gilauna tagana wa'i'atagine giluyo'ena. Tu Yesu gigayo, "Auwe gimiya." Au tagana gikivefosena be gisiveyawana.



Yesu gigahe-yo au hikive'avina be hinauwena
abaveyao ana tofaisewa adi tokaiwabu yana
manuweya. Bana Fita wai gimulina lauveya. Atu
ahe hiyemu be manuwa
eda'awana hinafane ai
hikulina digo buye
hihiyoto-ma againe,
Fita gi'ela badi
buye hihiyoto.



Abaveyao ana tofaisewa
adi tokaiwabu ana
agetoga sa'eyana,
bana kaliva tagana
Fita giluyo'ena-ma
tobohiyana gigayo, “Ka'i
o'eni ma ga'ita, boi faha
againa bana buye wamiyami,
ka'i ayoma?” Kadu Fita
givekeke-havagi. Tu auhe'ama
kamukamu gikwage. Ada gina
yuwa kabu'avane gitagitagi
agona lakahina.




Tu badi miYuda yadi Koniselo moya'aidi hitowamidi be Yesu Failato againe hinauwena. Au Failato gitoliyena gigayo, “Ka’i O’eni miYuda adi Tokaiwabu?” Yesu gigayo, “Au ugahe amine Iya’eku.” Failato nuwanuwana Yesu ginayauna fa’ina yo’oyo’o gigahe-havagiledi. Tu

hihawahawaya’ala higayo,
“Wanakivekelosena,
wanakivekelosena.”




Failato agodi ginogali-yo Yesu badi agaidiya gihawahegena be tolugaviya kelose againe hinatutuvefosena. Au tolugaviya Yesu hinauwena be kelose hive'avalana, hina abaga ana egana Utouto againe. Tu miYuda bonameya abaga ana egana Goligota.



Yuwadede againe hinawena kelose
againe hitutufosena, kadu
kaliva-kawowo adi'iselu buye
hitutufosedu, sa'eyana
fafaline kadu
sa'eyana
fafaline tu Yesu
hinafadiya.



Ada manawa-tafalolo vetawana-tabu ana abaseboda
kaleko gi'ahailugana be higa vaita abaluku Yaubada
againa gi'ayauna. Au Yesu gikova'awafatafata
gigayo, “Kamaku, alu'aluwaku
nimaniya ganasena.”
Gigahe-yo yawaina
gihavaina.



Mala gisilavina tu Yosefa
kwana Alamadiya giyemu. Bana
kaliva kikaiwabuna miYuda
yadi Koniselo agaidiya,
ada kadu bana tauna
Yaubada yana aituha
ginalakayemu fa'ina
gilulauboda, higa
kaliva yana

itave'avina againe
hinamiyami be
ase'asediya
ginavehivehimeya.



Ada medema tovai-nadi
Abamaduviviya ana
kidewadewa ana tova
higa bogiyadi sabati.

Hidema fa'ina
Yosefa
gi'asevatu be
gina Failato
againa giluku
Yesu wowona
fa'ina give'o'ola.



Au Yosefa gina kaleko
kwayakwayana gikimoneni-yo
gina wowona gikakilina,
kalekoya gifafana be
tomohuyahuya kuga
hinagene
giyalana-ma againe
giselukuwena.

Ada au kabala
lakahina againe
tomohuyahuya
ana eda'awana
give'enobodana.



Bogi hida mala gilauna higa
Abamaduviviya ana
kidewadewa ana tova a
hihegena againe,
abaveyao ana tofaisewa
kikaiwabudiyao kadu
Falisi Failato againe
hivaga'auta higayo,
...




... “Kauveya, Bana wama tove'alololo
yana gahe nuwama ginunauyena
higa aimo yawayawana
gimiyami tu gigayo,
Aiyeta tohiye
ginahavaina au
ganamididi-havagi.”



Au hilowoga tomohuyahuya ana seboda
kabala hisedonena bulava againe
hisive'ave'avina, ada
tolugaviya higahedi be
higa hina'itave'avi-
hagihagiyena.



Tu sabati higa Satadei a hihegena
mala givebutu gilaulauna tafalolo,
Meli vineMagidala
wagakoyona buye hina be
tomohuyahuya
hina'itana.



Ada auhe'ama babi gili'uli'u
lakahina, au Kaiwabu yana
tovenuwa'ata lobameya
gihobu'ela kabala
give'awawana be tabone
gihiyoto. Tolugaviya
tomohuyahuya
hi'ita'itave'avina-ma
tovenuwa'ata
fa'ina

himatautave'ine
hivetatava au
hibe'u vaita
hida'alika.



Tu lobama ana tovenuwa'ata vevine
agaidiya gigahe gigayo, “Keke
wanamatauta. A
gahalamanena Yesu
hikivekelosena-ma
walelelena. Bana keke
hidedei gidamiyami,
au gimididi-havagi
boi gigaheyena
amine.



Wa'ela be abaga
gidauda-ma
wa'ita.”




Au tomohuyehuyeya himadulowoga
yadi wamatauta tu kadu yadi
wavemwamwala keke kabisona.
Himadu be Yesu ana tomuliya
hinagahedi.



Hinauna tu auhe'ama Yesu
gimaduhagadi be gilusiuleyedi.
Au Bana againe hi'ela
hi'ibo'ula-mo'a, agena hi'abina
be hidavadavana.





Muliya-mo'ane yana yo'o ileveni hi'au'a tu badi agaidiya Tauna gi'ivemogatalina. Ada gidakeyedi yadi vetumagana keke kadu tagadi gikulu fa'ina, badi ahe gimididi-havagi yo hi'itana-ma yadi gahe keke hidavetumaganeni. Hidema fa'ina gidakeyedi. Tu Kaiwabu Yesu ana tomuliya agaidiya gigahe gihavaina, Yaubada lobameya gisilakahina ada abavetoga kikaiwabuna Yaubada i'atagine gihiyoto.



Au higa Yaubada nuwanuwana
lakahi-mo'ena tomiyababi, fa'ina Natuna
anakaibe'u-mo'a gihawahegena be gava
kaliva Bana againe ginavetumagana,
medema keke gina'alika-vagata
tu yawai-vagahina
ginanuhagana.



Loma 3:23 Au eda tulina inubana ma Yesu Keliso ana vetumagana againe. E, gaveyao moya'aidi Keliso againe hivetumagana, medema tokoyona nonogana Yaubada badi fa'idiya gigahе gigayo, “Badi kaliva yegayegadiyao Iya matakuya.” Yada koyona fa'ina ime miYuda kadu omi yo'o tulimiyao kalivai-mina ada ita leleleya Yaubada matane, fa'ina ide kaliva moya'aida koyona kafaisewani-yo Yaubada ana ita mahamahali-mo'ena againe ada ita itababubabuna.

Loma 6:23 Fa'ina dewa koyona fatana alika. Atu Yaubada yana abahawahega ma yawai-vagata, higa omi Yesu Keliso buye wave'atutamo'aimi-yo yawai-vagahimi givelemi.

Hibeliu 9:27 Tuwai-lokalokana Yaubada vehimeya gisena gigayo, “Tova sa'eyanaga kaliva moya'aidi hina'alika. Hina'alika-yo Iya ganavedewayaugidi.”



Efeso 2:8,9 Wanogali! Yaubada Tauna ginuwadogemi be omi wavetumaganeni-yo ami kibababala wanuhagana. Tu keke taumiyao nuwamiya vetumagana gidayemu, au Yaubada yami vetumagana givelemi-yo wavetumaganena. Kadu'e keke taumiyao yami vediwe fa'ina ami kibababala wadanuhagani. Au Yaubada givetumaganavelemi-yo ami kibababala wanuhagana be keke tamo hakwadi afaiweya tauni a egana unakilakahini unagayo, "Yaku vediwe fa'ina kibababala ganuhagana." Keke amifaiweya hidede amine wanagahe.

Loma 10:9,10 Higa ka'i yo'o matadiya unahawavemogatala unagayo, Yesu yaku Kaiwabu, kadu ase'aseniya unavetumagana vaita Yaubada alikeya gisivemididina, au hidema fa'ina Yaubada ya koyona agaidiya ginakibababale.



Fa'ina ase'asedeya kavetumaganeni-yo Yaubada giseda yegayegadeyao Bana matane, ada yo'o matadiya Yesu kahawavekaiwabuyeni-yo Yaubada yada koyona agaidiya gikibababaleda.

Yoni 3:16,17 Au higa Yaubada nuwanuwana lakahi-mo'ena tomiyababi, fa'ina Natuna anakaibe'u-mo'a gihawahegena be gava kaliva Bana againe ginavetumagana, medema keke gina'alika-vagata tu yawai-vagahina ginanuhagana. Yaubada Natuna babiya gi'iveninisena keke vaita tomiyababi matahiwadi ginaveledi, keke-mo'a. Au gi'iveninisena be kaliva ginakibababaledi fa'ina.

1 Yoni 5:11-13 Ada hawavemogatalai-nadi hidede amine. Yaubada yawai-vagahida giveleda ada mena yawai-vagata Natuna againe give'inuba.



Gaveyao nuwahinagemiya Yaubada Natuna Tauna gimimiyami, medema yawai-vagahimi ahe wanuhagana, tu gaveyao nuwahinagemiya Yaubada Natuna Tauna keke gidamiyami, medema yawai-vagahimi keke wadanuhagani. Tu omi Yaubada Natuna ana eganeya wavetuvetumagana amanadi yami leta au hidede amine ga'etoladina be wanahalamanena yawai-vagahimi ahe wanuhagana.



Madiu 26-28; Luke 22-24; Yoni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Iduna Bible (viv) © 2003, Wycliffe Bible Translators, Inc. All
rights reserved.

<https://live.bible.is/bible/VIVWBT/MAT/1>

©2025 Bible for Children, Inc.

www.M1914.org

www.bibleforchildren.org

